

卷之二



陳學士吟窓雜錄卷三十五

人名詩

詠老景

舒王

老景春可惜無花可留得  
繞屋楮先生蕭蕭何所直  
每嫌柳渾青追恨李太白  
多謝安石榴向人紅蕊  
圻

藥名詩

張籍

江臯歲暮相逢地黃葉霜前半夏枝  
子夜吟詩向松  
桂心中萬事喜君知

果子名詩

法曲梨園妙宮詞李白才蒲桃新錦段  
蓮子水銀盃  
粟陸皇基遠瓜沙地志來橘奴江上老梅使雪中迴  
日辰詩





上成勸農桑長庚報夕陽漁丁藏小篆螺甲秘清香  
勾乙雉筠簡甘辛酌桂漿丙科曾決策彼已莫籌暈  
字謎三首 鮑照

其一 二形二體四支八頭四八一八邪泉仰流

其二

頭如刀尾如鉤中央橫廣四角六抽右面負兩刃左  
邊双屬牛

其三

乾之一九隻立無偶坤之二六宛然雙宿

三婦詩

沈約

大婦掃玉墀中婦結羅帷小婦獨無事對鏡畫娥眉

良人且安臥夜長方自私

一字令

諸朝臣送白樂天分司東都裴休有令各  
取一物為詩端從一字至七字成章須有

離情之意

酒酒酌來飲取君莫訴時難久偏樂少年能娛老叟  
對月不可無看花必須有于鬢一醉一石劉伶解醒  
五斗臨行強戰三五場酩酊更能相憶否

一字至九字詩聯句

東西

右鮑防

步月尋溪



右巖維  
鳥已宿猿又啼

右鄭槩  
狂流礙石迸笋穿磯

右成用

望望人煙遠行行蘿徑迷

探題只應盡墨持贈更欲封泥

右允初

松下流時何歲月雲中幽處屢攀躋

右張叔政

乘興不知山路遠近緣情莫問日過高低

右賈弁

靜聽林下潺潺足湍瀨馱問城中喧喧多鼓鼙

右周頌

胡笳十八拍集句

中郎有女能傳業

右韓愈句

顏色如花命如葉

右白居易句

命如葉薄將奈何

右白居易句

一生抱恨長咨嗟

右杜甫句

良人持戟明光裏



右張籍句  
所慕靈妃喚蕭史

右韓愈句

天不仁兮降亂離

右古胡笳

嗟予去此其從誰

右韓愈詩

自胡之反持干戈

右杜甫詩

翠蕤雲稍相蕩摩

右杜甫詩

流星白羽腰間挿

右李白詩

疊鼓遙翻瀚海波

右王維詩

一門骨肉散百草

右李白詩

安得無淚如黃河

右李商隱詩

我生之初尚無為

右蔡琰詩

嗚呼吾意其蹉跎

右韓愈詩

身執略弓入西關



右蔡垓詩

關山阻脩兮行道難

右古胡笳

水頭宿芳草頭坐

右劉商詩

在野只教心膽破

更鞞雕鞍教走馬

右韋莊

玉骨瘦來無一把

右李商隱

幾回拋鞞抱鞍橋

右花葉夫人

徃徃驚墮馬蹄下

右張籍

漢家公主出和親

右張籍

御厨絡繹送八珍

右杜甫

眼長看地不稱意

右元稹

同是天涯淪落人

右白居易

我今一食日還併

右韓愈



短衣數挽不掩脛

右杜甫

乃知貧賤別更苦

右杜甫

安得康強保天性

右韓愈

月下長吟久不歸

當時還見鴈南飛

彎弓射飛無遠近

青塚路邊南鴈盡

兩處陰塵從此絕

惟向東南望明月

李白

陳商

劉商

李商隱

孫處

白居易

明明漢月空相識

道路只今多擁隔

去住彼此無消息

時復看雲淚橫臆

豺狼喜怒難姑息

自倚紅顏能騎射

千言萬語無人會

謾倚文章真未策

死生難有却回身

不忍重看舊為真

日夕思歸不得歸

山川滿目淚沾衣

劉商

杜甫

杜甫

杜甫

劉商

杜甫

鄭谷

唐彥謙

李頻

鄭谷

劉商

李嶠



畢圭苑裏西風起  
歎息人間萬事非  
寒聲一夜傳刀斗  
雲雪埋山蒼兕吼  
詩成吟詠轉淒涼  
不如獨坐空搔首  
漫漫胡天叫不聞  
胡人高鼻動成羣  
寒盡春生洛陽殿  
回首何時復來見  
晚來幽獨恐傷神  
唯見沙蓬水柳春

杜牧  
杜甫  
高適  
杜甫  
杜甫  
劉商  
杜甫  
杜甫  
司馬光  
杜甫  
張籍

破除萬事無過酒  
虜酒千盃不解人  
含情欲說更無語  
一生長恨柰何許  
飢對酪肉兮不能食  
強來前帳臨歌舞  
歸來展轉到五更  
起看北斗升天未  
明秦人築城備胡處  
擾擾唯有牛羊聲  
萬里飛蓬映天過  
風吹漢地衣裳破

韓愈  
高適

韓愈  
古胡笳  
張籍  
李商隱  
張籍  
李白  
杜甫  
劉商



欲往城南忘南北  
三步回頭五步坐  
自斷此生休問天  
生得胡兒擬棄捐  
一始扶床一初坐  
抱攜撫視皆可憐  
寧使遠使問名姓  
引袖拭淚悲且慶  
悲莫悲於生別離  
悲在君家留二兒  
鞠之育之不羞耻  
恩情亦各言其子

杜甫  
杜甫  
杜甫  
劉商  
白居易  
梅堯臣  
劉商  
韓愈  
楚詞  
白居易  
古胡笳  
劉商

天寒日暮山谷裏  
腸斷非關隴頭水  
兒呼毋惜號失聲  
依然離別難為情  
洒血仰頭兮訴蒼蒼  
知我如此兮不如無生  
當時梅來歸又恨  
洛陽宮殿焚燒盡  
紛紛黎庶逐黃巾  
心折此時無一寸  
慟哭秋原何處村  
千家今有百家存

杜甫  
李白  
蔡琰  
韓愈  
宋玉  
劉商  
杜甫  
李嘉祐  
杜甫  
杜甫  
杜甫



爭持酒食來相饋  
舊事無人可共論  
此身飲罷無歸處  
心懷百憂復千慮  
天翻地覆誰得知  
魏公垂髮嫁文姬  
天涯憔悴身  
託命於新人  
念我出腹子  
使我歎恨勞精神  
新人新人聽我語  
我所思兮在何所

韓愈  
韓愈  
杜甫  
高適  
劉商  
舒元與  
崔塗  
蔡琰  
蔡琰  
杜甫  
白居易  
韓愈

母子分離兮意難任  
死生不相知兮何處尋

古胡笳  
古胡笳

燕山雪花大如席  
與兒洗面作光澤  
恍然天地半夜白  
閨中只是空相憶  
點注桃花舒小紅  
與兒洗面作華容  
欲問平安無使來  
桃花依舊笑春風  
春風似舊花仍笑  
人生豈得長年少

李白  
崔氏  
歐陽脩  
谷參  
杜甫  
崔氏  
杜甫  
崔護  
范仲淹



我與兒方各一方  
憔悴看成兩鬢霜  
如今豈無要裊與驂駟  
安得送我置汝傍  
胡塵暗天道路長  
遂令再往之計墮渺茫  
胡笳本出自胡中  
此曲哀怨何時終  
第一曲兮琴一拍  
此心烟烟君應識

右胡笳  
孫處  
杜甫  
杜甫  
杜甫  
韓愈  
右胡笳  
杜甫  
右胡笳  
杜甫

御選句圖

太宗皇帝聞楊徽之詩名盡索所著得數百篇奏  
御上和其所謝詩選集中十聯寫故屏

江行

犬吠竹籬沽酒客鶴隨苔岸洗衣僧

寒食

天寒酒薄難成醉地迫樓高易斷魂

塞上

戍樓煙自直戰地雨長腥

僧舍

偶題岩石雲生筆閣遠庭松露濕衣

湘江舟行

新霜染楓葉皓月借梨花



哭江  
廢宅寒塘水荒墳宿草煙

嘉陽川

青帝已教春不老素娥何惜月長圓

元夜

春歸萬年樹月滿九重城

宿東林

開盡菊花秋色老落遲桐葉雨聲寒

賈島句對

送朱可文歸越

吳山侵越眾隋柳入唐疎

南臺對月

僧歸湖裏寺魚聽水邊經

就可公宿

僧同雪夜坐鴈向草堂聞

寄童武

孤鴻來半夜積雪在諸峯

送無可上人

獨行潭底影數息樹邊身

送天台僧

鴈過孤峰曉猿啼一夜霜

寄正空二上人

老窺明鏡少秋憶故山多

哭孟郊



家近登山道詩隨過海舡

寄韓湘

望鷺鳴吟登閣聽猿淚滴舡

晚晴見終南諸峯

半旬藏雨裏此日到窓中

山中道士

養雛成大鶴種子作高松

題李疑幽居

鳥宿池中樹僧敲月下門

又詩

過橋分野色移石動雲根

羣公句對

徐詩

宿山寺

落宿依樓角歸雲擁殿廊

病題

向空出出頻書字與世滔滔莫問津

游木蘭亭

蘭抗破浪城陰直玉勒穿花苑樹深

觀習出戰

千帆日助陵江勢萬里風馳下瀨聲

陳祕監歸泉州

三朝恩澤馮唐老萬里鄉關賀監歸

梁周翰句對



應制詩

百花將盡牡丹妍十雨初晴太液春

黃夷簡句對

題山居

宿雨一番疏甲坼春山幾焙茗旗香

范杲句對

講聖德

千里版圖來浙右一聲金鼓下河東

鄭文寶句對

長安送別

杜曲花光濃似酒灞陵春色老於人

詩曰

賀蘭朋吉

漢遙人沒日楚盡鳥飛天

司空曙

雨中黃葉樹燈下白頭人

盧綸

孤城吹角罷數騎射鵝還

賀蘭朋吉

五更愁處雨三月盡時花

許棠

四顧疑無地中流忽有山



吟窓雜錄卷三十五

陳學士吟窓雜錄卷三十六

王禹偁句對

謫官

抑揄應有鬼夷俟豈無人

送及第還鄉

郡人競指曾題柱立嫂應慙不下機

劉道師句對

歎世

野馬飛窓日醯雞舞甕天

殘花

金谷路塵埋國艷武陵溪水泛天馨

詠雪



三千世界銀為色十二樓臺玉作層

湘中

逝波帝子魂何在芳草王孫怨未歸

李宗諤句對

春郊

一溪曉綠浮鷗鷺萬樹春紅叫杜鵑

蘇承旨

金鸞後記人爭寫玉署新碑帝自書

李建中句對

送人

故宮芳草在往事暮江流

朱昂致政

清朝納祿猶強健白首還家正太平

寄洪湛

謫去賈生身健否秋來潘岳鬢斑無

路振句對

荔枝

瘴海千枝霧驪山一騎塵

潮州徵還

君恩來萬里客路出千山

丁謂句對

章安南

梅花過嶺路桃葉渡江船

章明州



泣珠泉客通關市種玉仙翁寄版圖

呂夷簡句對

早春

梅無驛使飄零盡草怨王孫取次生

寒食

人為子推初禁火花愁清女再飛霜

焦宗石句對

周賢良

南陽客自稱龍臥東魯人應嘆鳳衰

蒲萄酒

釀成漢帝招王母飲罷涼州拜孟池

錢昭度句對

村居

黃蜂衙退海潮上白蟻戰酣山雨來

梅花

東北風吹大庾嶺西南日映小寒天

秋日華山

人間路到三峯盡天下秋隨一葉來

南鄭殿丞句對

與道士

青鳥幾傳王母信白鵝曾換右軍書

將至京

近闕已瞻龍鳳氣思鄉猶望斗牛星

錢惟演句對



奉使途中

雪意欲成雲墮地秋聲不斷鴈連天

章南鄭

金牛此地通巴棧黃鳥當時頌漢臣

劉筠句對

李太僕北使

惟月卿曹重占星使者賢

宮詞

難銷守宮血易斷舞鸞腸

新蟬

翼薄乍梳宮女鬢蛻輕全解羽人尸

惠崇句對

送李堪

秋聲動羣木暮色起千山

希晝句對

宋承旨林亭

雪溜懸危石碁燈射遠林

鴈蕩山

長天來月正危木度猿稀

廣西轉運

春生桂嶺外人在海門西

寄人

山日秋光短江虹晚影低

寶通寺句對



相國寺

下朝人帶天香入出定僧迎御仗來  
簡長句對

送人歸寧

煙壘沉寒笛霜空擊手怒鵬  
智仁句對

溪居

寒聲病葉落曉色凍雲開

僧歸天台

路遙無去伴山疊有啼猿

休復句對

送道士西遊

日暮長安道秋深太白峰

行肇句對

送僧

聽錫樵停斧窺禪鳥立槎

送人之鄞江

江聲鼉畔出帆影斗邊飛

續句圖

王維冬晚對雪

隔牖風驚竹開門雪滿山

司空曙立秋日

草靜多翻燕波澄乍露魚

司空曙元日觀早朝



漏促雙魚鑰車喧百子鈴

蘇味道上元夜

暗塵隨馬去明月逐人來

李端宿洞庭

沙上魚人火煙中估客舟

于良吏春山月夜

掬水月在手弄花香滿衣

李約從軍行

營柳和煙暮關榆帶雪春

張循巫山

月明三峽曙潮滿二江春

皎然從軍行

漢顰秋聒地羗火晝燒雲

崔珪孤寢怨

花飛織錦處月落擣衣邊

楊衡送孔周南之南海

潮盡收珠母沙閑拾翠翎

宋之問句對

三會寺應令

瑞鳥呈書字神龍吐浴泉

芙蓉園應制

絃奏魚聽曲機忘鳥狎人

李嶠驪山高頂應制

詩曰



忠臣還捧日聖后欲捫天

又詩

河看大禹鑿山見巨靈開

又詩

雲披丹鳳闕日下黑龍潭

韓翊麗句

秋夜即事

星河秋一雁砧杵夜千家

劉禹錫麗句

寄楊八壽州

八公山下清淮水千騎塵中白面人

武陵書懷

或沙金粟見拾羽翠翹翻

劉長卿麗句

寄李使君

漁樵譏太古草樹得陽和

題東齋

藜杖全吾道榴花養太和

餘干旅舍

孤城向水閉獨鳥背人飛

又詩

避世歌芝草休官醉菊花

獻李相公

春雨草中行徑沒暮山江上捲簾愁



孔中丞句圖

夏日遊園亭

風荷搖翠蓋雨蘚疊青氈

山寺僧

石磬生雲氣銅瓶漬水痕

隱者

高眠歌石磴長嘯響山椒

林亭晚望

拂花紅染袖書葉翠凝毫

嵩山隱者

石室但能披短褐金門何必曳長裾

秋日闌居

潤生棊局寒煙合冷灑詩牌暮雨斜

送人歸魯

洙泗水光搖郡閣龜蒙山翠滴家園

中春

花映小齋紅筆硯柳搖深院翠簾攏

送道士歸天台

清風千里夜吟月長嘯一聲秋渡江

王隨句圖

送人知興化

客館月斜寒夢斷仙舟風穩去帆飛

和人上張司諫

事簡曉花香落硯訟稀晴蘚綠生庭



送李太保

候館虛窓晴月色野橋踈樹暮蟬聲

和人新秋感懷

照池蓮艷紅疑染入戶山光翠可拈

又詩

閑門半掩庭花落啼鳥一聲煙樹深

又詩

數里竹溪藏野色一軒松雨戰秋聲

探春

地迴暖脉冰先覺梅吐新香蝶未知

又詩

千里水雲歸澤國一帆煙雨掛秋江

夏日

松檜陰中閑覆局芰荷香裏靜垂鈎

煙

曉色靜和迷遠徑晴光輕重織平蕪

閑居

靜憐身計無塵事貧喜生涯有古書

秋夜

滿牕寒影雲生岳一枕秋聲雨滴堦

李邁句圖

和陳殿丞

酒鄉貧更入詩債病猶還

感秋



天冷雲含日溪清水獻沙

延壽亭

松老多經雪雲開不到天

淨居院

路經橋遠塵難到僧占閑多俗不爭

喜晴

天放舊光還日月地歸濃秀與山川

柳開句圖

孤生竹

搖風無亂影逗月有餘聲

思歸

重陽霜冷鴈初過寒食雨暗花正開

贈張負外

俸薄借錢來飲酒官閑招客坐聽琴

贈孫邁

官罷數年長負債詩吟終日旋成編

陳元老句圖

上孫漕

日月有光天不夜山川長暖地無秋

和繆景玉還鄉

流水好山皆有主落花殘照不留人

長汀冬晚

根露斷沙松半死浪衝寒石水分流

吳陽山亭



閑雲滿地不曾老古木遶欄長帶春  
吟窓雜錄卷三十六

陳學士吟窓雜錄卷三十七

梅堯臣句圖

途中遇雪有作

極目千山碧馳心一鳥飛

趙韓王故宅

不見分香妾空餘闔鴨欄

聽琴

清談停玉麈雅曲聽金徽

納涼

竹陰過晚雨林表見殘虹

無題

臨風恐仙去倚扇怯歌長



會東堂

鬢約寒鴉碧衣輕舞蝶黃

早渡長蘆

帆開風色正舟急浪花分

夏日汴中

黃鸝度高柳歸燕拂行舟

新霽

斷虹迎日盡飛雨帶龍腥

泛江

斜陽鳥外落新月樹端生

晚步

樵深但聞斧谷暖自留春

暮春

綠草旋抽心青梅猶帶萼

晚晴西湖

城上明殘照雲間掛斷霓

淮上

相親沙上鴈自樂水中魚

滕學士書堂

澗魚來入姐林鳥或窺書

聞角

風卷梅花去愁從柳塞添

二月雪

塘冰膠燕嘴野水澁芹芽



雨後

柳重宮腰弱花肥粉頰豐

送度倅

商通洲橘熟信到嶺梅香

未晴

缺月如羞出荒雲不肯飛

村豪

爛傾新釀酒飽載下溪船

夢後寄永叔

五更千里夢殘月一聲雞

寄孫岳州

明月一千里寒光三萬枝

雨後送王奉職

四壁我何有一錢君亦無

題善慧禪齋

心是寒瓶水明無寶鏡埃

泛溪

漸近鷺猶立已遙村覺橫

曉

萬國睡未覺一聲雞已知

朝

欲開花泣露聚噪鳥窺厨

魚

三春登玉浪一日到天池



水母憑為目空簾織似髮

夢中作

風雨幽林靜雲煙古寺深

西湖野步

斷水流破鏡凍地拆枯龜

花燭

花光濃照席燭艷暖回春

致仕李國傳

青蒲翠竹圍華屋白酒黃雞命里人

送趙徐州

雨過短亭雲斷續鶯啼高柳路西東

退朝馬上

欲雨浮雲猶復暗背寒殘雪愈添寒

和景純春雪

楊花撲撲白慢地蛟蝶紛紛飛滿天

省閣宿齋

看盡雲容天漏碧讀殘書帙卷披黃

對月

草根蟲穴吟來久屋角星河落更清

對雨

衝風燕子銜泥去隔葉鶉鴝喚婦歸

元日朝

欲聞鳳管天邊度數聽雞人樓上頭



青苔井畔雀兒鬪烏臼樹頭鴉舅鳴  
人說維摩居士病我同王子雪舟來  
不醉不歸情可見相看相笑意如何  
黃童謾對日如月賈誼休悲鵬似鴉  
體格

麗辭之體凡有四對

言對為易  
事對為難

反對為優  
正對為劣

一曰言對

謂雙比空辭者也

長卿上林賦云

脩容乎禮園翱翔乎書圃

此言對也

二曰事對

謂並舉人驗者也

宋玉神女賦云

毛嬙反袂西施掩面

此事對也



三曰反對

謂理殊趣合者也

仲宣登樓賦云

鍾儀幽而楚奏莊舄顯而越吟

此反對也

四曰正對

謂事異義同者也

孟陽七哀云

漢祖想粉榆光武思白水

此正對也

言對為美貴在精巧

事對所先務於允當

兩事相對而優劣不均是驪在左駮駕居

右服也

美事孤立莫與為偶是夔之一足蹠蹕而

行也

四序紛迴而入興貴閑物色雖繁而析辭

尚簡使味飄飄而輕舉情曄曄而恒鮮古

來辭人異代接武莫不參伍而相變因革

以為功物色盡而情有餘者曉會通也

詩有四貴

綜學貴博

取事貴要

校練貴精



据理貴覈

詩有四格

一曰避詭異

二曰省聯邊

三曰推重出

四曰調單復

何謂詭異

謂字體瓌恠是也

何謂聯邊

謂半字同文是也

何謂重出

謂同事相犯是也

何謂單復

謂瘠字累句肥字損文是也

文之精雅有隱有秀

隱也者文外之重旨也

秀也者篇中之獨技也

隱以復意為工

秀以卓絕為巧

詩有九等

薛公廬山詩

落花度幽越去鳥入長煙

又詩

潭影搖踈竹野氣入高松



唐河詩

雲光澹淺石露氣肅長煙

劉獻臣餞道士還蜀詩

驚飛背簫閣鶴舞向琴臺

以上居上上等也

無可江寧詠雪詩

常持皎潔性終恰艷陽年

鄧即中黃河詩

忠信固可憑湍波非所懼

以上居上中等也

韋承慶九成宮山

有水魚爭樂無人鳥共歌

以上居上下等也

劉處約亡奴詩

丹籍生年淺黃泉歸路深

駱西征詩

試上天山望依然想物華

以上居中上等也

張文潛云

以聲律作詩其末流也自唐至今詩人謹守之獨魯

直一掃古今棄聲律作五七言如金石未作鍾磬和

聲渾然有律吕外意近來作詩者頗有此體然自吾

魯直始也

詩文惟不構空強作待境而生便自工耳



詩文高勝要從學問中來

詩說

寧律不諧不可使句弱寧用字不工不可使語俗此  
度開府之所長也至於淵明所謂不煩繩削而自合  
規矩

評品

帝問顏延之謝靈運優劣於鮑昭昭曰謝五言如初  
發芙蓉自然可愛顏詩如鋪錦列綉亦雕績可喜

詩貴三易

易見事一也

易識字二也

易讀語三也

王籍入若耶溪詩

蟬噪林逾靜鳥鳴山更幽

簡文帝吟此詩不能忘

孝元諷此詩以為不可復得

蕭愨秋詩

芙蓉露下落楊柳月中疎

此詩蕭散宛然在目

杜牧詩

盡日問花花不語為誰零落為誰開

皮日休諷此句未嘗忘

盧子發詩

明月照巴山



姚巖傑曰明月照天下柰何獨照巴山耶  
張祐宮詞

故國三千里深宮二十年一聲河滿子雙淚落君前  
白公云四句之中皆數對何足奇

徐凝詩

千古長如白練飛一條界破青山色

東坡云此至為塵陋

孟郊移居詩

借車載家具家具少於車

永叔云乃是都無一物耳

賈島詩

鬢邊雖有絲不堪織寒衣

永叔云縱堪織所得幾何

嚴維詩

柳塘春水慢花塢夕陽遲

梅聖俞曰芙蓉物態豈不在目前

楊諤省試

宣室受釐詩

願前明主席一問洛陽人

是年果登第

退之城南聯句

竹影金瑣碎

此乃日光非竹影也

汪處士詩



藥靈丸不大基妙子無多  
僧文瑩云此詩可采

吟窓雜錄卷三十七

陳學士吟窓雜錄卷三十八

評品

宋苕公知許州開西湖詩

鑿開魚鳥忘情地展盡江湖極目天

識者觀此詩知公位極一品矣

子京嘗有詩曰

碧雲謾有三年信明月長為兩地愁

識者知其不至兩府矣

白居易詩

無事日月長不羈天地闊

此曠達之詞也

孟郊詩



出門即有礙誰謂天地寬

此褊隘之詞也

劉丞相沆小孤山詩

擎天有八柱一柱此焉存

識者知其有宰相器矣

蘇公紳金山詩

僧依玉檻光中住人踏金黿背上行

識者以為榮登玉堂之兆已而果然

江東逸人王褒早行詩

高空有月千門閉大道無人獨自行

早行詩多此乃出類

苦吟詩

一句坐中得片心天外來

永叔云此乃苦吟破的句也

陸子履言懷詩

薄有田園歸去好苦無官况莫來休

士君子莫不賞味其意

李昉贈邑令詩

琴彈永日得古意印鎖經秋帶蘚痕

句意雖美但印上不是生蘚處

林逋秋夜詩

煩襟入夜權宜減瘦格乘秋斗頓高

以權對斗抑又巧絕

謝靈運詩



池塘生春草園柳變鳴禽

靈運坐此詩得罪遂託以阿連夢中授此語有客以請舒王曰不知此詩何以得名於後世何以得罪於當時舒王曰權德輿已賞評之公若未尋繹爾客退而求德輿集了無所得復以為請舒王誦其略曰池塘者泉州瀦溉之地今日生春草是王澤竭也幽詩所紀一蟲鳴則一候變今日變鳴禽者候將變也客以語士大夫士夫益服

舒王之博

謝景山詩

江禽聞杜宇園樹宿韓馮

井與更韓馮蝶名皆以姓名相對

舒王云

梨花一枝春帶雨桃花亂落如紅雨此警句也然終不如院落深沉杏花雨為優言盡而意不盡也

孫少述栽竹詩

更起粉墻高百尺莫令墻外俗人看

晏臨淄曰

何用粉墻高百尺任教墻外俗人看

處士之節宰相之量亦各言其志也

王仲至有詩少游和之曰

簾幕千家錦繡垂

仲至讀之笑曰此語又待八小石調也



陳無已詩

扶老趨嚴詔徐行及聖時

王饒次守云此詩不作可也才得一正字亦

未須云趨嚴詔

東坡詠獨樂亭

青山在屋上流水在屋下中有五畝宅花木秀而野

此便可以畫圖也

歐公春雪詩

有夢皆蝴蝶逢衣只苧麻

諸公不復措手

舒王詩

扶輿度陽焰窈窕一川花

山谷謂此詩包含數箇意

劉禹錫望洞庭詩

遙望洞庭山水翠白銀盤裏一青螺

雍陶詠君山詩

疑是水仙梳洗處一螺青黛鏡中心

此二詩頗相類

方干謁杭州于郎中夜讌詩

徧請玉容歌白雪高烧紅蠟照朱衣

李羣玉杜公席上出歌姬詩

裙拖六幅瀟湘水鬢聳巫山一段雲

章孝標贈李使君歌人劉小小詩

何事不歸巫峽去故來人世斷人腸



當時無不賞俊  
潘天錫與沈彬同游古觀作詩

風便磬聲遠日斜樓影長

松歌晚景離壇草鍾撼秋聲入殿風

二詩俱為絕唱

文與可詩

美人却扇坐羞落亭下花

歐公云此非與可詩世間元有此句與可

拾得耳

山谷語人云

凡作詩必令意有所屬乃可下筆

白公和荅詩序

曰其間所見同者固不能自異異者亦不能  
強同同者謂之和異者謂之荅

聯句

晉賈充與李夫人聯句

室中是阿誰歎息聲正悲

右賈充

歎息亦何為但恐大義虧

右李夫人

大義同膠漆匪石心不移

右賈充



人誰不慮終日月有合離

右李夫人

我心子所達子心我亦知

右賈充

若能不食言與君同所宜

右李夫人

呂溫聯句詩序

屬物命篇聯珠唱玉審韻諧律同聲則應  
研精比象造境皆會亦猶衆聲合汪寔為  
大川群山出雲混成一氣朗宣五色微闡  
六義雖小道必有可觀者矣

石鼎聯句

巧匠斲山骨剗中事前烹

右劉師服

直柄未當權塞口且吞聲

右侯喜

龍頭縮菌蠢豕腹漲彭亨

右道士彌明

外苞乾蘚文中有暗浪驚

右劉師服

在冷安自足遭焚意彌貞

右侯喜

謬當鼎鼐間妄使水火爭

右道士彌明



大似烈士膽圓如戰馬纓

右劉師服

上比香爐尖下與鏡面平

右侯喜

秋瓜未落蒂凍芋強抽萌

右道士彌明

一塊元氣閉細泉幽竇傾

右劉師服

不值輸寫處馬知懷抱清

右侯喜

方當洪爐然益見小器盈

右道士彌明

睨睨無丹迹團團類天成

右劉師服

遙疑龜負圖出曝曉正晴

右侯喜

旁有隻耳穿上為孤髻撐

右道士彌明

或訝短尾鉞又似無足鐺

右劉師服

可惜寒食毬擲此傍路坑

右侯喜

何當出灰地無計離銜罌

右道士彌明



陋貨荷斟酌狹中愧提擎

右劉師服

豈能煮仙藥但未汙羊羹

右侯喜

形模婦女笑度量兒童輕

右道士彌明

徒爾堅重性不合升合成

右劉師服

仍似廢穀仰側見折軸橫

右侯喜

時於蚯蚓竅微作蒼蠅鳴

右道士彌明

以茲翻溢愆實負任使誠

右劉師服

常居顧盼地敢有漏洩情

右侯喜

寧依暖熱聲不與寒涼并

右道士彌明

區區徒自効瑣瑣不足呈迴旋但兀兀開闢惟鏗鏗

右劉師服

金服瑚璉貴空有口傳名豈比俎豆古不為手所橙

磨瓏去圭角浸潤蕃光精願君莫嘲笑此物方施行

右道士彌明

皮日休云



聯句莫若孟東野與韓文公之多他集罕見足却為之之難也已

張祐客淮南幕中時杜牧有屬意索骰賭酒

微吟曰

骰子巡巡裏手拈無因得見玉纖纖

張祐應聲曰

但知報道金釵落髻鬢還應露指尖

劉邠伯與范鄴為詩友

范有詩曰

歲盡天涯雨

劉續之曰

人間分外愁

范甚賞之

句對

歐公曰

萊公在中書戲云

水底日為天上日未有對者

揚大年對云

眼中人是面前人

一坐為的對

司馬君實曰李長吉天若有情天亦老人以

為奇絕無對

曼卿對日月如無恨月長圓人以為勑敵

王審知曰



王鉤偷葦菘花

僧對曰

日動瓏璫髻

王大悅其對

論重字

如湘靈鼓瑟詩

楚客不堪聽又云曲終人不見

此犯二不字然詩既好亦不見其有礙也

崔護詩

去年今日此門中又云人面祇今何處在

此犯二今字不恤也取語意為主耳

論用字

杜負外詩

巨顙折老拳

老拳出石勒傳卿遭孤老拳孤亦飽卿毒手

右歌詞

邊城晏聞漁陽摻

摻音七鑿反三搥鼓也

杜祁公書懷詩

雙鳧乘鴈當深愧野馬黃羊亦過憂

野馬黃羊出張說傳吾肉非黃羊必不畏

契血非野馬必不畏刺

山谷詩

黃獨無苗山雪盛



本草注黃獨肉白皮黃巴漢人蒸食之江  
東謂之土芋江西謂之土卵

張文潛懷無咎詩

獨覺欠此公

自言欠字頗佳

吟窻雜錄卷三十八

陳學士吟窻雜錄卷三十九

論詩病

前輩有詠詩詩云

盡日覓不得有時還自來

說者云此是人家失却猫兒詩

又詩

袖中諫草朝天去

此句好但草不可進君

唐人寒山寺詩

半夜鍾聲到客船

此句好但半夜不是撞鍾時節

賈島哭僧詩



燒却坐禪身

時謂燒殺活和尚此尤可笑也

白樂天長恨歌

峨眉山下少人行旌旗無光日色薄

峨嵋在嘉州與幸蜀路全無交涉

盧延讓哭邊將詩

牒多身上職盤大背邊瘡

人謂此乃打脊詩也

蓋曰竊語

王維有詩名

行到水窮處坐看雲起時

此取英華集詩也

漠漠水田飛白鷺陰陰夏木轉黃鸝

此取李嘉祐詩也

惠崇詩

河分崗勢斷春入燒痕青

時人嘲之曰

河分崗勢司空曙春入燒痕劉長卿不是  
師兄多犯古古人詩句犯師兄

訛誤

異物志云擁劍狀如蟹但一螯編大耳何遜

詩曰躍魚如擁劍是不分魚蟹也

沈存中曰今人守郡謂之建麾蓋用顏延年

一麾乃出守此誤也近年謂指麾之麾自杜



牧擬把一麾江海去始謬用一麾自此遂為故事

莊子言野馬也塵埃也乃是兩物後人即謂野馬為塵埃如韓偓詩云一蓬臨大耳野馬乃田間浮氣耳遠望如羣羊又如水波佛書所謂熱時焰也

杜甫詩

功曹無復漢蕭何

蕭何不曾為功曹此用事誤也

山谷詩

公有宵中五色筆平生補袞用功深

本用小杜詩五色線事誤作筆耳

癖詩

鄭準水牛詩

護犢拱身立逢人揭尾挑

朝士以為大笑

包賀詩

苦竹笋抽青椀子石榴樹掛小餅兒

又詩

棹搖船掠鬢風動水搥胃

其麓鄙如此

李罕披露見青天詩

顏貌如青天



遭主司庭責而退

杜太保進崔叔清詩百篇上曰此惡詩焉用  
進時謂准勅惡詩

王邪竹詩

葉垂千口劔幹聳萬條槍

東坡曰好則極好則是十條竹只一个葉  
兒也

事志

古詩

安得香水泉濯即衣上塵

此盖吳故宫有香水溪俗傳西施浴處人  
呼為臙脂塘

陸機詩

石龜尚懷海我寧忘故鄉

此盖東北巖有大石龜俗云魯般所作夏  
則入海冬復止於西山上

薛能謝茶詩

麗官乞與真拋却賴有詩情合得嘗

此盖長安舊俗以不歷臺省出領廉車節  
鎮者率呼為麗官

令狐楚初任負外郎有詩

移石幾回敲廢印開箱何處納新圖

此盖負外郎廳前有大石諸道送到廢印  
皆於石上辟之又圖寫祥瑞亦負外郎廳



所掌也

詩云

青箬裹鹽歸洞客綠荷包飯趁墟人

此蓋嶺南人謂村市為墟有人則滿無人則墟柳子厚童乙傳云之墟所費之

右詩

數聲羌笛離亭晚君向瀟湘我向秦

此蓋瓜陵渡揚子橋也

東坡

歸來一點殘燈在猶有傳柑遺細君

此蓋上元夜登樓貴戚例有黃柑遺近臣謂之傳柑

晁公詩

却聞靈鵲心應喜

此蓋院中有雙鵲栖於玉堂後或鳴噪必有大詔令宣召之事

賈至詩

舞怯銖衣重笑疑桃艷開

此蓋元載歌姬肌香體輕也

路巖詩

離魂行處斷煙雨江南岸

此蓋路巖贈官妓行雲等詩也

陳從易詩

千重浪裏平安過百尺竿頭穩下來



此蓋王文穆罷相知杭州陳獻詩也

謝溥詩

平生功業數張紙今古英雄一窖塵

此蓋謝指館時詩也

楊萬畢聞梧桐雨詩

千里暮雲山已黑一燈孤館酒初醒

索寞之意盡於此矣

楊大年漢武詩

力通青海求龍種死諱文成食馬肝

此詩雖李義我山不能過也

陳亞詩

歲旦示知己

收寒歸地底俵老向人間

與友人郊遊

馬嘶曾到寺犬吠乍行村

送歸化宰

吏辭如賀日民送似迎時

懷舊隱

排聯花品曾非僭愛惜苔錢不是怪

裴愈聞蟬詩

楊柳影疎秋霽雨梧桐葉墜夕陽天

方子通嘗於滄浪亭得句云楊花入竹靜  
久而不得對更數日飛燕過水倒影水中乃撫  
案曰已得對客問之曰鳥影度塘寒



舒王詩  
一水護田將綠遶兩山排闥送青來

盧秉詩

青衫瘦馬病參軍旋糶官糧置酒樽但得有錢留客醉也勝騎馬倚人門

舒王見此詩尤極稱賞俄薦於朝數年間

遂超顯仕

李元膺遊春詩

夾道桃花三月暮馬蹄無處避殘紅

唐潞州節度薛嵩有人獻小鬟左右掌中俱有手紋隱若紅線因號為紅線十九年乃辭去留之不得乃餞別請坐客吟朝陽為詩曰

採菱歌罷木蘭舟送客魂銷百尺樓還似洛妃乘霧去碧天無際水空流

萊公出鎮北門有善歌者歌數闕公贈之束綵不滿意侍姬借桃戲詩二首

其一

一曲清歌一束綾美人獨自意嫌輕不知織女螢窻下幾度穿梭織得成

其二

夜冷衣單手屢呵幽窓軋軋度寒梭臘天日短不盈尺何似妖姬一曲歌

公和云

將相功名終若何不堪急景似奔梭人間萬事君休



問且向樽前聽艷歌

錢太初借劍詩

太平無用處撫匣淚瀾沈

題盆池詩

一撮浮萍蓋蛙龜不知容得臥龍無

意興皆可愛

福州僧詩

虹收千障雨潮展半江天

又詩

詩因試客分題僻甚為饒人下着低

此皆不減人

淵明詩

但恐多謬誤君當恕醉人

東坡言此未醉時語也

東坡云

書之美者莫如顏書法之壞自魯公始詩之美者莫如退之然詩格之變自退之始

韓持國詩

青煙人幾家綠野山四合

當時無不傳誦

二友

東坡在儋耳隨行惟柳子厚陶淵明二集目之為二友

參寥詩



隔林髣髴聞機杼知有人家在翠微

東坡每為人誦此詩

乖崖在蜀有錄事老病廢事公曰胡不歸明

日參軍求去且以詩留別其略曰

秋光都似宦情薄山色不如歸去濃

乖崖驚謝之曰同僚有詩人而吾不知因

留而薦之

山谷贈余清老時

有人夢超俗去髮脫儒冠平明視清鏡正亦良獨難

坡屢哦此詩以為妙也

山谷荅秦少章簡云承道無已語有人問

老杜詩如何是好處但荅云直須有孔竅

始得

郭祥正出詩一軸示坡先自吟誦曰此詩

幾分坡曰十分祥正驚喜問之坡曰七分

來是讀三分來是詩豈不是十分

前輩詩

怕人知事莫萌心

晁無咎言此至言可終身守之

聖德

仁宗時近臣有獻詩千首執政請以為龍圖

學士帝曰千首之詩豈若孔道輔一言乃以

道輔為龍圖學士

呂溱鯤化為鵬詩



九霄離海嶠一息到天池

帝曰此詩自當作狀元

王珪曰元豐元年考試進士於集英殿

主主親較名至日晷尚未進饌

忠義

梅聖俞謁巡遠雙廟詩

豈若目前榮未沒聲已息

王文公亦題詩

就死得處所至今猶耿光

元絳閔忠詩序

皇祐四年夏五月邑獠亂康州趙使君師旦

親戰至絕詬罵不已

詩曰

身垂虎口方堅坐命棄鴻毛更疾譁

吟窓雜錄卷三十九



陳學士吟窓雜錄卷四十

清謹

楊玠隨王衍歸後唐以老得工部尚書致仕歸長安舊居為隣里侵占子弟故訴其事於府玠有詩曰

四鄰侵我我從伊畢竟須思未有時試上含元殿基望秋風秋草正離離

子弟因此詩遂不敢復言

吳處厚曰

張文定公嘗作詩遺子孫雖詞語質朴而事

理切當其詩曰

謹言渾不畏恐事又何妨國法思遵守人非莫舉揚



諷諫

栢伊因謝安為羣小所間乃撫箏歌望以諷  
帝其詩曰

周旦佐文武金滕功不刊推心輔王室二叔反流言  
安泣下謝之

黃臺瓜詩

唐建寧王侯死李泌見肅宗曰陛下嘗聞黃  
臺瓜乎高宗有八子天后所生者四人長曰  
弘為太子仁明孝友后醜殺之帝立次子賢  
賢日憂惕每侍上不敢有言乃作樂章使工  
歌之欲以感悟上及后其辭曰種瓜黃臺下  
瓜熟種離離一摘使瓜好再摘令瓜稀三摘

尚云少四摘抱蔓歸而賢終為后所斥死黔  
中陛下今一摘矣慎無再摘帝愕然曰公安  
得有是言是時廣平有大功亦為后所搆故  
泌因及之廣平遂安

誦詩

宋武帝將北伐登城命羣僚誦詩謝晦詠王  
粲詩曰

南登灞陵岸回首望長安悟彼泉下人喟嘆傷心肝  
帝流涕不自勝遂還

唐中宗昵燕近臣詔徧為伎各有所陳皆鄙  
黷郭山憚奏無所習惟知誦詩乃誦鹿鳴蟋  
蟀二篇未畢李嶠以其近規諷止之而嘉其



直  
梁脩仁新作大明宮植曰揚子廷示契苾何  
力曰此木易成不數年可庇何力不答但誦  
白楊多悲風蕭蕭愁殺人之句脩仁驚悟更  
植以桐

張唐英曰

王衍重陽宴羣臣宋光溥詠胡曾詩曰

吳王恃霸棄雄才貪向姑蘇醉醪醑不覺錢塘江上  
月一宵西送越兵來

衍聞之慘然不樂左右言光溥之言藥石  
也願以此為戒

英宗問漢唐以來酒價幾何左右無以對惟

歐陽脩曰漢世已遠無文可考惟唐朝其價  
每升不過三十上曰何以知之曰臣嘗讀杜  
甫詩曰

速來相就飲一斗恰有三百青銅錢故知之

呂相問高麗有書百篇不知是真否座客莫  
敢對時王樂道在未座對曰恐是真呂問何  
以知之曰歐公有詩云

徐福去時書未焚古書百篇今猶存

文忠公必有據而言

太祖采聰明遠有問者自蜀還上問劍外有  
何事曰但聞成都滿城誦朱山長苦熱詩曰  
煩暑鬱蒸無處避涼風清冷幾時來上曰此



蜀民思吾來伐也  
科舉

據言曰

大和二年崔郾侍郎東都放榜西都過堂杜  
牧有詩曰

東都放榜未花開三十三人走馬迴秦地少年多釀  
酒却將春色入關來

裴思謙狀元及第後作名牋名紙十數語平  
康里因宿於里中詰旦賦詩曰

銀缸斜背解鳴璫小語偷聲賀玉郎從此不知蘭麝  
貴夜來新惹桂枝香

又自喜詩曰

曉光天際未全分小玉顛狂捲破裙手把不封書一  
紙報言榜上有郎君

鄭合敬及第後宿平康里詩曰

春來無處不閑行礎潤相看似有情好是五更殘酒  
醒時時聞喚狀頭聲

韋承貽試罷題詩曰

三條燭盡鍾初動九轉丹成鼎未開  
盧肇狀元及第歸太守會宴觀競渡肇即席  
賦詩曰

向道是龍剛不信果然奪得錦標歸

孫光憲曰

胡曾有詩云



翰苑何時休嫁女文昌早晚罷生兒上林新桂年年發不許平人折一枝

當路子弟忌之

丁咸序嘗夢乘龍自地而起後有一駱駝隨之自此不第至咸平三年王公知舉咸序乃上詩曰

常憶金陵應舉時壯心平欲挹丹枝蹉跎三十年中事一度思量一派垂

由此奏名第三甲其亞之者龍起又其次

駱起方悟前夢

王禹玉曰

王俊民登第二親無恙韓魏公贈詩曰

青雲一第人皆有白髮雙親世所無

陳林亦贈詩曰

一舉登科日雙親未老時

又有兄弟同榜者有客贈詩曰

綵衣膝下成行舞丹桂庭前並幹生

蘇淑狀元差作探花詩曰

蝴蝶不知唐故事曉來應笑少年狂

曾會及第後有詩曰

松間忽被青童指金籙犀仙第二人

陶岳曰

伍喬霽後望鍾山詩

積霽沉諸壑微陽在半峰



知舉韓熙載大稱賞遂為狀元

門生

樂史曰

白居易取牛僧孺第四人後僧孺罷相出鎮

揚州白有詩送之曰

何須身自得將相是門生

裴皞取馬胤孫胤孫又知舉引門生詣皞皞

有喜作詩曰

三主禮闈今八十門生門下見門生

投獻

據言曰

劉虛白與裴公同筆硯及公主文虛白猶是

舉子試雜文日獻一絕曰

二十年前此夜中一般燈燭一般風不知歲月能多

少猶着麻衣待至公

范攄曰

尉遲匡有潼關詩

明月飛入海黃河流上天

觀內人樓上踏歌

芙蓉初出水桃李忽無言

又塞上曲

夜夜月為青塚鏡年年雪作黑山花

王禹玉曰

王逵尤工於詩熙寧初忠獻出知大名府逵



因歲節以詩干酒曰  
故吏寂寥新歲近願分餘澁漲蛟盤  
公以百壺吞之

逵又有詩曰

從此吐衲誰道逮酒星夜夜伴三台

沈存中曰

胡恢失官獻韓魏公詩曰

建鄴關山千里遠長安風雪一家寒

公憐之令篆石經得復官

韓魏公為吏部出帥

有客投詩曰

篋裏文章唐吏部馬前旌節漢淮陰

西漢枚生誰復召南朝何遜自多才

寄張郎中

花陰小酌呼隣父月中清冷掃石床

冒雪晚歸

拂馬隨人如着莫舞空吹面亦勝清

閨牖省宿

按頭美酒初安火簾底微風欲動燈

移紅薇

薄膚痒不勝輕瓜嫩幹生宜近禁廬

社日禱祀出城

壇邊宿雨微霑麥水上殘冰墜過橋

郊外



胡粉未生輕蝶白  
胭脂先綻野櫻紅  
迎駕

不問偷桃方朔飽  
誰知載戟子雲才  
宮槐

天仗龍旂穿影去  
鈎陳豹尾揚枝來  
賜果

投以赤心思武帝  
握夫白璧詠劉琨  
檜詠

青葱玉樹縛揚子  
盤屈洪桃見左思  
柳絮

應是殘英閑是伴  
不隨舞蝶去年春  
殿後書齋

滿帆西月催行色  
一夜東風落楚梅

韓存中云

山谷稱晏叔原

舞低楊柳樓心月  
歌盡梅花扇底風

定非窮兒家語

賀方回作青玉案其間有云

彩筆新題斷腸句

其後有詩云

解道江南斷腸句  
只今惟有賀方回

世言柳耆卿曲俗非也  
如八聲甘州云

霜風淒緊關河冷落  
殘照當樓

此於詩句不減唐人  
高處矣



歐公浣溪沙云  
綠楊樓外出鞦韆  
此翁語要絕只一出字是後人着意道不

比來作者皆不及秦少游詞

斜陽外寒鴉萬點流水遠孤村

雖不識字人亦知是天生好言語也

范文正公守邊日作漁家傲歐公呼為窮塞

主之詞及王素出守平涼歐公作漁家傲以

送之云

戰罷歸來飛捷奏傾賀酒玉堦遙獻南山壽

顧諸王曰

此真元帥之乎

吟窓雜錄卷四十



此謂語要絕只一出字是後人看意道不

比來作者皆不及秦少游詞

斜陽外寒鴉萬點流水遠孤村

雖不識字人亦知是天生好言語也

今意聯鑿卷四十五系出守平涼歐公作漁家傲以

北真文州之平

### 陳學士吟窓雜錄卷四十一

#### 雜序

#### 殷璠丹陽集序

李都尉沒後九百餘載其間詞人不可勝數建安末  
氣骨彌高太康中躰調尤峻元嘉勍骨仍在永明規  
矩已失梁陳周隋厥道全喪蓋時遷推變俗異風革  
信乎人文化成天下

#### 殷璠河岳英靈集序

夫文有神來氣來情來有雅體野體鄙體俗體編記  
者能審鑒諸躰委詳所來方可定其優劣論其取舍  
元結篋中集序

風雅不興幾及千年近世作者更相沿襲拘限聲病



喜尚形似且以流易為辭不知喪於雅正

顧陶類選序

昔在樂官采詩而陳於國者以察風俗之邪正以審王化之興廢得芻蕘而上達前治亂而先覺詩之義也大笑達矣肇自宗周降及漢晉物元全功而欲才子篇詠盡為絕唱其可得乎雖前賢纂錄不少殊途同歸如英靈間氣正聲南薰之類誠胡煦之下罕有子遺而取舍之時能無小誤此豈擇者私乎實以躰調不一憎爰有殊苟非通而鑒之烏可盡其善者

類選後序

余為類選三十年神思耗竭不覺老之將至今大綱已定勒成一家庶及存亡免負平昔僻遠孤儒有志

難就但隨所見不可殫論終愧力不及以庶非耳目之過也

韓愈荆潭唱和序

和平之音淡薄而愁思之聲要妙惟愉之辭難工而窮苦之言易好也是故文章之作恒發於羈旅草野至若王公貴人氣得意滿非性能而好之則不暇以為今裴公爵祿兩崇乃能存志乎詩書富辭乎詠歌與韋布專一之士較其毫厘分可鏗鏘發金石幽眇感鬼神信所謂才全而能鉅者也

權德輿盛山唱和序

昔魏文帝稱劉公幹五言詩之善者妙絕一時抱朴子亦云讀二陸之文恐其卷盡今覽盛山之作有以



似之云詩三對五其考盡今實存之於百以  
昔者三代陳詩以觀民風詐信淫氣躁靜柔剛於是  
乎取之喜怒哀樂吉凶存亡於是乎觀之兆於此必  
應於彼成乎終必見乎始詩不可以為偽觀南皮之  
詩應劉焉得不友魏作焉得不短觀金谷之詩潘石  
焉得不誅晉室焉得不亂觀海昏之詩裴氏焉得不  
興我唐焉得不理詩之時義大矣哉天人國家之際  
其至矣哉

田錫和宋小春雜詠詩序

文貴於才周而識通通則無偏周則非一途舉其喻  
而言十二律在五音旋相為宮如環之無端所以能

通天地萬物之情也在六籍子史典策教令碑銘箴  
贊歌頌詩賦亦旋相為文文以意為主主明則氣勝  
氣勝則鏘洋精彩從之而生

田錫賞千葉蓮詩序

花有譜錄余嘗閱之雖芳格各殊而艷名自異然薔  
薇千葉芍藥重臺比夫蓮之在水也羣芳衆卉之間  
茲苑為貴矧香苞初坼有千葉乎

歐陽永叔禮部唱和序

嘉祐二年春余幸得從五人於禮部考貢士相與作  
為古律長短歌詩雜言古者詩三百篇其言無所不  
有惟其肆而不放樂而不流以卒歸于正此其所以  
可貴也



思穎詩後序

皇祐元年發舊藁得自南京以後詩十餘篇皆思穎之作以見余拳拳於穎者非一日也不類倦飛之鳥然後知還惟恐勒移之靈却回俗駕爾

又續思穎詩序

余自南都至中書所作十有三篇為思穎詩今又得在毫及青十有七篇以附之

貢院題壁

前此省試官名寔東條制不少放懷余六人懽然相得終日長篇險韻衆製交作筆吏疲於寫錄僮吏奔走往來更相酬酢往往烘堂絕倒自謂一時盛事前此未之有也

還許侍郎詩啓

所得詩三軸仰捧而疾歸俯啓而緩讀讀之疊疊不能休卷窮而後止嗟夫信天下之所謂詩也思遠而義深辭道而事隱貫乎道德之躰通乎性命之情始讀之漠然而迷中讀之惕然而懼反復思之然後囂然而樂蓋樂其所自得之也故嘗言曰凡文章之上者莫如詩詩之難得者莫如詩何則天下之文章蓋有出於喪亂倉卒事益危則言益工者多矣至于詩則不然必常盛之時意者非天地愷樂和平之氣不足以生詩人歟或者非典章文物之盛則不足以壯詩人之作歟國家太平百餘年禮制樂作煥乎追三代而軼漢唐矣是故詩人之作者格力峻拔則有如



梅聖俞條暢善變則有如文忠公典雅清壯則有如  
王荆公研練精麗則有如今大丞相其詩傳在人間  
往往逐可望元朔開元之詩矣伏惟  
明公之詩以時則出於四人之後宜乎兼衆體而有  
之不幾於少陵之比乎

叙錄

徐德言事

陳太子徐德言之妻後主之妹時陳政方亂乃破  
一鏡人執其半其妻果入楊素之家遂以鏡賣於  
都市德言出鏡合之有詩曰  
鏡與人俱去鏡歸人不歸無復嫦娥影空留明月輝  
陳氏得詩不食素召德言還其妻仍厚送之仍

今陳為詩詩曰

今夜何遷次新官對舊官笑啼俱不敢方驗作人難

與德言婦江南竟以終老

賣鏡尋故夫賦吳融作

鏡破猶在人離不歸因念昔年之契乃沾明月之輝  
始携去以何之丹誠脉脉忽提來而有驗相見依依

隋煬帝

煬帝將幸江都宮女苦留帝留詩曰

我夢江都好征遼亦偶然但存顏色在離別只今年

長洲黃表室兒年十五號曰司花女

帝婦游諸宮偶戲羅娘羅娘畏蕭妃不敢迎

帝乃吟曰



箇人無賴是橫枝，黛染龍顱簇小娥。幸好留儂伴成  
夢，不留儂住意如何。

帝常行吳公臺，恍惚與陳後主相遇。後主誦  
詩十章，帝不能記，獨憶小窓一篇云。

午醉醒來晚，無人夢自驚。夕陽如有意，偏傍小窓明。  
又寄侍兒碧玉詩

離別腸應斷，相思骨合銷。愁魂若飛散，憑仗一相招。  
帝愛侍兒韓俊娥，為蕭妃誣罪去之，因登樓  
憶之作二絕

其一

黯黯愁侵骨，綿綿病欲成。須知潘岳鬢，強半為多情。

其二

不信長相憶，絲從髮裏生。閑來倚柱立，相望幾含情。

武承嗣

唐武承嗣為左相，即中書。知之婢竊娘美且  
善歌，奪取之。知之作綠珠篇賂閹者，以達竊

娘其詩曰

石家金谷重新聲，明珠十斛買娉婷。昔日可憐君自  
許，此時歌舞得人情。

又詩

君家雞閣不曾難，好將歌舞借人看。富貴雄豪非分  
理，嬌奢勢力橫相干。

又詩

別君去君終不忍，徒勞掩袂傷紅粉。百年離別在高



樓一代紅顏為君盡

窈娘得詩悲咽結於裙帶赴井而死延嗣  
見詩遣酷吏殺之殘其家

韓翃

韓翃有幸姬柳氏艷絕一時盜發兩京士女  
奔駭柳氏乃剪髮寄跡法雲寺洎肅宗反正  
相使人求柳氏有詩曰

章臺柳章臺柳昔日青青今在否縱使長條似舊時  
也應攀折他人手

柳氏答詩

揚柳枝芳菲節所恨年年贈離別一葉隨風忽報秋  
縱使君來不堪折

無何有為蕃將沙吒利劫去韓有虞候許  
俊奪回

杜紫薇

杜牧出沈沈傳師宣城幕遊湖州於岸叢中  
見里姥引髻髻女年十餘歲曰此真國色也  
因以重幣結之自此為別大中三年授湖州  
所約之妹已從人三載而生二子焉牧即政  
之夕亟召之母拜曰向約十年不來而嫁嫁  
已三年矣乃禮遣之因題詩曰

自是尋春去教遲不須惆悵怨芳時狂風落盡深紅  
色茂綠成陰子滿枝

崔護



博陵崔護下第遊都城南有女子自門隙窺  
之問曰誰耶以姓字對曰尋春獨行酒渴求  
飲女入以盃水至開門設床命坐獨倚小桃  
斜柯佇立而意屬殊厚崔以言挑之不對明  
年至日往則門扃因題左扉曰  
去年今日此門中人面桃花相映紅人面  
在桃花依舊笑春風

後數日復往則門中有哭聲有老父出曰  
汝殺吾女崔入牽其首枕其股哭而祝之  
曰某在斯須吏開自半日復活老父大喜  
遂以女歸之

朱滔括兵有士子容止可觀滔曰何對曰學

慣從鴛被暖怯向鴈門寒  
詩曰有妻否曰有即令作寄內詩

又令代妻作詩答曰

胡麻好種無人種合是歸時底不歸

崔郊

崔郊寓居漢上與姑婢私姑賣婢于連帥于  
公得錢四十萬郊同婢因寒食出贈以詩曰  
公子王孫逐後塵綠珠垂淚滴羅巾侯門一入深如  
海從此蕭郎是路人

有疾郊者寫詩於座公觀詩召郊曰何不  
早見示遂命同歸

真珠



竒章公納妓曰真珠有殊色盧肇至竒重其  
文延於中寢會真珠沐髮方以手捧其髻挿  
釵於兩鬢間丞相曰何妨一詠肇曰日不可  
知道相公憐玉腕故將纖手整金釵

李涉

李涉博士至揚州遇一女子乃劉全白愛姬  
也劉李有昔年之分因以詩贈之曰  
當時驚覺高唐夢唯有如今宋玉知

吟窓雜錄卷四十一

陳學士吟窓雜錄卷四十二

續句圖

王隨秋夜

月白風清殘夜影  
辱悲榮喜幾人心

王隨郡閣書事

綠陰連野幾株柳  
翠靄遶城無限山

王隨新秋感懷

一聲啼鳥禁門靜  
滿地落花春日長

又詩

當戶曉山青  
倚漢傍簷風竹冷  
敲秋

同前

晴樓凭月吟  
魂冷春席眠  
花醉夢香



又詩

梧桐風細初吹葉  
河漢雲疎欲護霜

同前

岸草雪殘迎馬綠  
野梅風暖著人香

又詩

村童晚笛吹遙嶺  
漁舍寒罾晒夕陽

王隨探春

酒旗店遠煙中動  
漁艇人歸岸次橫

又詩

好客幾嫌州路僻  
愛山長上郡樓高

王隨新秋

江館夜涼風乍起  
海天雲淡月初高

王隨聞笛

雨霽煙波帆挂曉  
月明樓閣笛橫秋

王隨閑居

詩酒一生唯樂道  
田園數頃敵封侯

王隨晚望

列岫縈迴青靄合  
層江空闊碧天垂

王隨初冬

孤影漸高雲外月  
寒聲特起竹間風

王隨秋雨

滿窓寒影雲生岳  
一枕秋聲雨滴堦

王隨遠望

晚岫雨餘嵐疊翠  
碧江風細浪成紋



印苔多鶴迹題壁半僧名

望月

飲殘花落席吟次月生樓

幽居

杜門憎愛絕枕石夢魂清

晚江

波動月光碎岸遙煙色深

書事

吏閑衙放早事簡印開稀

山院

住僧忘歲月游客悟塵勞

永夜起松籟滿山疑雨聲

又詩

岩深松半露石亂水分流

南園

惜花愁有雨待月喜無雲

同前

漢月夜如畫松風涼似秋

旅店

水村煙暝早山館夜寒多

晚坐

地僻無來客庭閑自落花



又詩  
雲氣涼秋葦山光翠入門

又詩  
簷捲三峯碧琴彈萬籟清

中庭  
竹韻扣寒玉苔花疊碧錢

道觀  
掃徑苔痕破開扉竹影分

病起  
金籠燈落燼殘藥竈諳餘香

吟餘  
松子落病起筍成篁

夏日

松牕晴似雨竹徑夏如秋

又詩

苔光浮亂石花影倒寒潭

竹徑

徑竹烟橫素庭莎露綴珠

李邁閩中

霜巖欲裂地到底日短不行天正中

仙都觀

幾函道藏金壺墨一片秋雲玉井篔

清暉亭

山上白雲如有雪水中明月似無泥



梅堯臣

和希深見過

有客過顏巷無貧似阮家

和子聰夜雨

寒氣微生席輕風欲度簾

觀理稼

來時露沾僑歸去月侵棚

別墅

看竹曾留鳳携朋不為鷺

廣福閣

晚漲林煙重春歸野水平

遊園

新陰六街樹遠日萬家煙

同前

歌咽樓千尺吟餘月一泓

雙桂樓

日映城邊樹虹明雨外山

燕會

瓜浮五色爛簾捲半鉤弯

寒食

幽禽弄清曉宿雨渡餘寒

又詩

飄泊梨花雨追隨杏葉鞦韆

會東堂



人初投轄醉客甚慘過狂

長江

風清舟在鑑日落水浮金

采石

山根魚浪白岩壁石羅紅

陳生見過

竹館忽枉駕山樽聊解頤

春陰

鳩鳴桑葉吐村暗杏花殘

朝峯亭

魚潭開揀稠楮谷歎冰冷

老僧

跌坐樹間石力耕溪上田

村行

深源樹翁鬱曲塢花盈莖

碧瀾亭

雲影無時翠嵐光到底清

聞鴈

聲長河漢迥影落戶庭寒

夜行

山長羸馬困月黑怪禽啼

遊春

碧玉斜通市清流曲抱城

同前



山花高下色春鳥短長聲

鵲頭橋

爭雛洲鵲闌遺子浦魚跳

畫鷺

浦思懸秋壁江情憶釣簑

荆渚

上樓人已遠極目鳥空飛

送胡秀才

天高雲就嶺地冷鴈迴洲

曲渚橋

勢危寧過馬徑狹欲通樵

望雨

雲低密藏樹風急暗侵樓

雪夜

燈青古屋深爐凍殘煙碧

故城

野禽飛自別香草問無名

山行

好峰隨處改幽迳獨行迷

同前

霜落能登木林空鹿飲溪

望西湖

岸痕添宿雨草色除平田

夏日西湖



煙蒲勻若翦，沙岸淨無泥。

同前

嵐光開翡翠，湖色浸玻璃。

朱家曲

晚雲連雨黑，秋水帶沙渾。

淮上

岸幽雲滿石，潮落蚌生泥。

金山

山形無地接，寺界與波分。

甘露寺

尚有南朝樹，能留北固雲。

北樓

河漢微分練，星辰淡布螢。

南園

萱芽開翠穎，杏頰破煙姿。

陳浩赴福幙

遠山猶帶雪，野水已如藍。

枕流軒

淺深看藻荇，出沒愛鳧鷖。

葉知挽辭

臧孫宜有後，定國已高門。

送韶倅

林鳴異音鳥，山冒欲晴雲。

送人永寧



衣霜寒食雨花發故宮墻

詠燕

任從新曆改只向舊巢歸

和欲雪

擬聞人詠紫將見使傳梅

欲雪還晴

日氣生簾額冰條結井床

游草堂寺

醒論時事正醉戴野巾唱

集英秋宴

清塵汲瑶井泛宇瀆天香

同前

樓傳紅幘唱簾隱內家粧

詠雪

遼浴休誇豕燕丹久望烏

栽竹

惜根存舊土帶笋助新林

憶西湖

落果知禽入行莎覺履柔

送人長沙

鷓鴣啼欲雨帶蝶見還晴

送晉原簿

生紅淺復深瘦帶脩且密

雪後



海月開金鑑河水臥玉虬

除夜雪

臆從今日盡花作舊年看

和仲源

詩能如阮籍評不愧鍾嶸

璉老

有來耿喻筏一悟見吹幡

二月雪

沙泉流復凍煙夢拆還韜

同前

官車猶載炭林鵲不離窠

兩

燕濕飛猶快花寒色更深

晴

苑花猶帶濕蔬甲已微青

白鵬孔雀

素質水紋織翠毛金縷薄

嵐暮

唯希步兵醉莫作太常齋

元日

新歲起今日舊年猶昨宵

同前

凍雲低覆闕殘雪稍封條

春雨



薰衾拂靜榻暖酒沃柔腸

閑興

天上春應早人間日轉遲

閣後

柳絮輕霑覆薇條澁惹裾

又詩

朝煙生密翠晚影漏斜明

浹日

懸蟾時過眼飛虫稍入軒

目前

看花成子大聞燕養雛喧

晨起

玉井傳新汲金爐換宿灰

送穎倅

芳園深通野寒湖半抱洲

送蜀倅

徒知花底醉不報樹頭芳

朱櫻

味兼羊酪美食厭楚梅酸

白鸚鵡

嘗過西王母曾殊北鳥謠

晚涼

獨鳥去煙外斜陽明樹頭

感春



土逐草心拆雨兼花片飛

春寒

蝶寒方歛翅花冷不開心

洛陽牡丹

紅樓金谷妓黃植洛川妃

夏日對雨

不畏東生耳唯愁變化蛾

水苔

繞繞水仙髮茸茸蛟客髯

野步

寒魚猶著底白鷺已飛前

喜雨

細濕林花暗輕露土脉全

送江陰幙

紫逐鮎魚繁豉添葦線紫

觀理蔬

乳雀爭銜蝶鳴鴉各護兒

泛舟

弱夢低侵水殘芳石隱叢



大正

國

本

大

正

十

年

十

月

十

日

十

日

十

日



經